

Na osnovu člana 16. stav 2. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona", broj: 7/10), Programa utroška sredstava planiranih Budžetom Zeničko-dobojskog kantona za 2012.godinu u Ministarstvu za rad, socijalnu politiku i izbjeglice, broj: 02-14-11958-1/12 od 23.05.2012.godine i Sporazuma o načinu snošenja troškova korištenja objekta "Penzionerski dom" u Zenici, broj: 02-05-15751-1/12 od 12.07.2012. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 73. sjednici, održanoj 03.08.2012. godine d o n o s i

## **ODLUKU**

### **Član 1.**

#### **(Predmet)**

Odobravaju se sredstva JU „Dom penzionera“ Zenica, u iznosu od 50.000,00 KM (slovima: pedesethiljada konvertibilnih maraka), kao pomoć socijalno intervenirajućeg karaktera od značaja za stvaranje materijalno-tehničkih uslova za obavljanje osnovne djelatnosti – smještaj korisnika prema Planu aktivnosti za nastavak rada JU „Dom penzionera“ Zenica.

### **Član 2.**

#### **(Analitička konta)**

(1) Sredstva iz člana 1. ove odluke isplatit će se iz sredstava Budžeta Zeničko-dobojskog kantona za 2012. godinu («Službene novine Zeničko-dobojskog kantona», broj: 5/12) razdjel 20-Ministarstvo za rad, socijalnu politiku i izbjeglice, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

(2) Sredstva uplatiti na račun JU „Dom penzionera“ Zenica broj: 134-010-0000011566 otvoren kod IK banke d.d. Zenica.

### **Član 3.**

#### **(Provođenje odluke)**

Za realizaciju ovog odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

### **Član 4.**

#### **(Izveštavanje)**

Zadužuje se JU „Dom penzionera“ Zenica da doznačena sredstava utroši prema Planu aktivnosti za nastavak rada JU „Dom penzionera“ Zenica koje je dostavio v.d. direktor (nabavka osnovnih artikala: hrana, piće i plin – sektor kuhinje, nabavka lož ulja za kotlovnice, opravka kotlovnice i kupovina rezervnih dijelova, opravka ostalih osnovnih sredstava za rad, osposobljavanje programa za rad na računaru, sanacija radijatora i troškovi marketinga) i da o namjenskom utrošku sredstava izvijesti Ministarstvo za rad, socijalnu politiku i izbjeglice, u roku od dva mjeseca od dostavljanja ove odluke.

### **Član 5.**

#### **(Stupanje na snagu)**

Odluka stupa na snagu danom donošenja.

Broj: 02-\_\_\_\_\_/12.

Datum, 03.08.2012. godine

Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo za rad, socijalnu politiku i izbjeglice,  
1x Ministarstvo finansija,  
1x JU „Dom penzionera“ Zenica (putem ministarstva),  
1x a/a